

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10 i 3/23), na prijedlog Ministarstva za boračka pitanja, Vlada Zeničko-dobojskog kantona, na 135. sjednici, održanoj 03.07.2026. godine, d o n o s i

ZAKLJUČAK

I.

Usvaja se Informacija o vanrednoj novčanoj pomoći za potrebe branilaca i članova njihovih porodica za 2025. godinu, broj: 13/03-2-2-2-04-3-11107/26 od 02.06.2026. godine, koja čini sastavni dio ovog zaključka.

II.

Zaključak stupa na snagu danom donošenja.

Broj: 02-_____/26
Datum, 03.07.2026. godine
Zenica

PREMIJER

Nezir Pivić

DOSTAVLJENO:

1x Ministarstvo za boračka pitanja,
1x a/a.

Bosna i Hercegovina
Federacija Bosna i Hercegovina
Zeničko-dobojski kanton
MINISTARSTVO ZA BORAČKA PITANJA

I N F O R M A C I J A

**o vanrednoj novčanoj pomoći za potrebe branilaca i članova njihovih
porodica za 2025. godinu**

Zenica, juni 2026.godine

I. Uvod

Stanje političke, ekonomske, socijalne neizvjesnosti u našoj državi direktno se odražava na stanje i uslove življenja cjelokupne populacije, a posebno branilaca i članova njihovih porodica, kao posebno ranjive kategorije stanovništa, koji uz izbor ostanka, a radi patriotizma treba i zaslužuje elementarne uslove življenja, koji su često na minimumu ili ispod minimuma uslova življenja.

Poskupljenja osnovnih životnih namirnica, povećani troškovi života, odnosno nemogućnosti obezbjeđenja osnovnih životnih uslova, veći dio ove populacije dovodi do stanja socijalne potrebe, obzirom da zbog narušenog zdravlja nisu u mogućnosti obezbijediti sebi i porodici minimum egzistencije ili su postojeća primanja nedovoljna da mogu pokriti troškove života koji su iz dana u dan sve veći. Nerjetki su natpisi na portalima, po novinama, kao i televizijskim emisijama koji svakodnevno ukazuju na takve slučajeve koji žive na granici ljudskog dostojanstva.

Nastojanja u smislu poboljšanja uslova života, odnosno ublažavanja uzroka teške socio-ekonomske situacije i potrebe osiguranja neophodnih sredstava, trajan je zadatak cjelokupne zajednice, ali i obaveza Ministarstva, putem kojeg je i normativno regulisana ova oblast sve sa ciljem da se postojeće stanje ublaži i poboljša imajući u vidu eksplicitnu obavezu države prema braniocima i članovima njihovih porodica.

U tom smislu Ministarstvo za boračka pitanja, kao nadležni organ za pitanja branilačko-invalidske zaštite uz neupitno razumijevanje i podršku Vlade Zeničko-dobojskog poduzima sve mjere i radnje da socio-ekonomski položaj ove populacije dovede u stanje koje ova populacija zaslužuje i koje im nesporno pripada imajući u vidu njihov doprinos u proteklom odbrambeno-oslobodilačkom ratu.

II. Normativno regulisanje

Pravo na vanrednu novčanu pomoć u segmentu ostvarivanja dopunskih prava branilaca i članova njihovih porodica na području Zeničko-dobojskog kantona uređeno je:

1. Poglavljem VI. Zakona o pravima branilaca i članova njihovih porodica ("Službene novine FBiH" broj: 33/04, 56/05, 44/05-odluka US, 70/07, 9/10, 95/13-odluka US, 90/17, 29/22, 60/24 i 6/26) utvrđena su i druga prava branilaca i članova njihovih porodica, a članom 30. predmetnog Zakona definisano je „da kantonalni organi svojim propisima osiguravaju i druga dopunska prava u skladu sa Zakonom, prvenstveno za najugroženije kategorije;
2. Zakonom o dopunskim pravima branilaca i članova njihovih porodica ("Sl. novine Zeničko-dobojskog kantona", broj: 15/24) (u daljem tekstu: Zakon) -član 3. tačka h), a u vezi sa Poglavljem V.-Vanredna novčana pomoć-član 20. i 21. Zakona definisano je pravo na novčanu pomoć zbog vanrednih okolnosti, te da će Vlada Kantona posebnim propisom utvrditi visinu novčanih sredstava koja mogu biti odobrena u svrhu vanredene novčane pomoći, uslove, korisnike, način i postupak dodjele istih, kao i ostala pitanja od značaja za ostvarivanje ovog prava;
3. Uredbom o vanrednoj novčanoj pomoći braniocima i članovima njihovih porodica ("Službene novine Zeničko-dobojskog kantona", broj: 1/25) (u daljem tekstu: Uredba) kao podzakonskim aktom, utvrđeni su uslovi, način i postupak ostvarivanja prava na vanrednu novčanu pomoć za osnovne potrebe branilaca i članova njihovih porodica koji imaju prebivalište na području Zeničko-dobojskog kantona (u daljem tekstu: Kanton), kao i povratnike u entitet Republika Srpska koji ostvaruju osnovna prava iz branilačko-invalidske zaštite u gradovima/općinama Kantona i koji su na evidenciji nadležnog organa za vojne evidencije u gradovima/općinama Kantona.
4. Programom utroška sredstava Budžeta Zeničko-dobojskog kantona za 2025.godinu planiranih na razdjelu Ministarstva za boračka pitanja namjenjenih za potrebe branilaca i članova njihovih porodica broj: 02-11-2354/25 od 07.02.2025.god. (u daljem tekstu: Program utroška),

te Odlukom o preraspodjeli rashoda broj: 07-03-01-11-71-1-2-2-1/25 od 27.11.2025god. i Odlukom broj: 02-11-23089/25 od 29.12.2025.god. na razdjelu 24, budžetska organizacija 01, potrošačka jedinica 0001, ekonomski kod 614200-„Tekući transferi pojedincima“ subanalitika OAD 213 „Vanredna novčana pomoć“ planirana su sredstva u **ukupnom iznosu od 500.000,00 KM** (petstotinahiljada konvertibilnih maraka), koja su i utrošena u 100% iznosu.

III. Realizacija prava u 2025.godini sa tabelarnim pregledima strukture utroška sredstava

Vanredna novčana pomoć (kao jedno od dopunskih prava) utvrđeno Zakonom podrazumijeva ostvarivanje prava na novčanu pomoć za osnovne potrebe branilaca i članova njihovih porodica u slučajevima vanrednih okolnosti, kao što su elementarne nepogode i nesreće, smrt i bolest člana zajedničkog domaćinstva, kao i u drugim slučajevima koji uzrokuju tešku ekonomsku situaciju i egzistencijalnu ugroženost, te potrebu osiguranja neophodnih sredstava-član 6. stav (3) Uredbe.

Iako je u projekciji, kao i po uvođenje „prava na novčanu egzistencijalnu naknadu“ za branioce i članove njihovih porodica, bilo stavova i razmišljanja da će potreba za realizacijom prava na vanrednu novčanu pomoć biti znatno smanjena, zbog svakodnevnog rasta troškova života potreba za ovim vidom pomoći iz godine u godinu je nažalost sve veća i veća. Pokazatelji o interesu za ovaj vid pomoći iskazani su i od strane prvostepenih organa gradova/općina Kantona nadležnih za pitanja branilačko-invalidske zaštite, koji su proizvod kako pritiska i interesovanja, tako i objektivnih potreba ove populacije, imajući u vidu naprijed pomenute narasle troškove života, te smo stava da je potrebno planiranje povećanja sredstava za ovu namjene u narednom periodu.

Naime, životne situacije/okolnosti koje uzrokuju pogoršanje socio-ekonomske situacije, te nemogućnost obezbjeđenja nužnih novčanih sredstava su svakodnevnne, od kojih ističemo samo dio vanrednih okolnosti koje branioци i članovi njihovih porodica nisu i ne bi mogli riješiti bez pomoći države, kao što su: Pomoć u obezbjeđenju sredstava za dokup staža, sufinansiranje plaćanja neuplaćenih doprinosa (preduzeća, firme u stečaju). Za navedenu svrhu pomoć se može odobriti samo ukoliko tu pomoć ne mogu ostvariti po drugom pravnom osnovu u slučaju kada je obveznik uplate doprinosa pravno lice ili obrt koje je likvidirano, u stečaju ili prestrukturirano i da se iz priložene dokumentacije može utvrditi opravdanost takvog zahtjeva, a u cilju ostvarivanja prava na penziju. Česti slučajevi prevarenih žirantata po osnovu raznih vrsta kreditnih zaduženja s prijetnjama prinudnog izvršenja (pljenidbe), kao i veća kreditna zaduženja sa većim iznosima rata i na duži period; pomoć u nabavci skupih, a nužnih udžbenika te zadovoljavanje drugih nužnih potreba djece branilaca; razne vrste utuženja po osnovu komunalnih usluga; pomoć u obezbjeđenju sredstava za življenje od vlastitog rada (pomoć u nabavci stočnog fonda); pomoć u nabavci i obezbjeđenju sjemenskog materijala, kako za proljetnu, tako i za jesenju sjetvu, kao i druge vanredne okolnosti uzrokovane poplavama, požarima i sl.,kao i niz drugih vanrednih okolnosti koje dovode do pogoršanja socio-ekonomske situacije, te nužnu pomoć za te svrhe, a u pojedinim slučajevima i potrebu hitnog rješavanja. U praksi su to uistinu teški/posebni slučajevi koji iziskuju hitno rješavanje, a kao proizvod nastale vanredne okolnosti. Pored navedenih slučajeva, nerjetka su i obraćanja za pomoć u školovanju/doškolovavanju/prekvalifikaciji radi mogućnosti zaposlenja, te slučajevi uginuća i stradanja stočnog fonda, kao i ostale situacije koje iziskuju osiguranje neophodnih sredstava.

U posmatranom periodu u 2025. godini *obrađeno je i zaprimljeno ukupno 1.482 zahtjeva, od čega su odobrena novčana sredstva, odnosno pravo na vanrednu novčanu pomoć ostvarilo je ukupno 1.285 korisnika, a odbijeno je 197 podnesenih zahtjeva.*

Napominjemo, da je zbog utroška sredstava na transferu za navedenu namjenu u budžetskoj 2025.godini u 2026.godinu za rješavanje izvršen prenos 41 predmeta-zahtjeva za ostvarivanje prava na vanrednu novčanu pomoć.

Članom 6. stav (1) i (2) Uredbe definisano je da se pravo na novčanu pomoć može ostvariti podnošenjem zahtjeva gradskoj/općinskoj službi nadležnoj za poslove branilačko-invalidske zaštite u gradu/općini u kojoj podnosilac zahtjeva ima prebivalište, odnosno ostvaruje prava iz branilačko-invalidske zaštite ili u kojoj se nalazi na evidenciji nadležnog organa za vojne poslove, a na za to posebnom obrazcu popisanom od strane ministra Ministarstva.

Član 11. (Posebni slučajevi) Uredbe podrazumijeva posebne slučajeve koji nisu definirani Uredbom, a po svemu su specifični i zahtijevaju hitno rješavanje, na zahtjev proslijeđen od gradske/općinske službe i uz obrazložen prijedlog Komisije, odobravanje sredstva u iznosu do 2.000,00 KM vrši ministar Ministarstva.

Odobravanje sredstava na osnovu prijedloga Komisije Ministarstva o dodjeli sredstava po podnesenim zahtjevima u pojedinačnim iznosima, koji ne prelaze iznos od 2.000,00 KM odlučuje ministar Ministarstva.

Na obrazložen prijedlog Ministarstva zaključak o odobravanju dodjele sredstava u iznosu većem od 2.000,00 KM donosi Vlada Kantona.

Članom 2. Uredbe utvrđeni su korisnici prava, odnosno novčanu pomoć po Uredbi mogu ostvariti: dobitnici ratnih priznanja ili odlikovanja, ratni vojni invalidi, demobilizirani branioci koji su u periodu od 06.04.1992. do 23.12.1995.god godine u sastavu OS proveli najmanje 24 mjeseca, odnosno 12 mjeseci ukoliko su u OS pristupili kao maloljetna lica ili 6 mjeseci po punoljetstvu; članovi porodica šehida, poginulih, umrlih i nestalih branilaca-korisnici porodične invalidnine; članovi uže porodice umrlog dobitnika ratnih priznanja ili odlikovanja-korisnici mjesečnog novčanog dodatka; članovi uže porodice umrlog ratnog vojnog invalida-korisnici porodične invalidnine i član uže porodice umrlog demobiliziranog branioca, koji je u periodu od 06.04.1992. do 23.12.1995. god. u sastavu OS proveo najmanje 24 mjeseca, odnosno 12 mjeseci ukoliko je u OS pristupio kao maloljetno lice ili 6 mjeseci po punoljetstvu-supružnik i dijete dok je na redovnom školovanju.

Posebni korisnici definisani su članom 3. Uredbe, odnosno pravo po Uredbi mogu ostvariti:

Djeca šehida, poginulih, umrlih i nestalih branilaca branilaca nakon prestanka prava na porodičnu invalidninu i dijete umrlog dobitnika ratnog priznanja ili odlikovanja, kojem je prestalo pravo na mjesečni novčani dodatak, te roditelji umrlog dobitnika ratnog priznanja ili odlikovanja, umrlog ratnog vojnog invalida i umrlog demobiliziranog branioca, koji je u sastavu OS proveo najmanje 24 mjeseca, odnosno 12 mjeseci ukoliko je u OS pristupio kao maloljetno lice ili 6 mjeseci po punoljetstvu, koji nema druge članove uže porodice i koji je sa istim živio u zajedničkom domaćinstvu.

Članom 4. Uredbe utvrđeni su uslovi za ostvarivanje prava na vanrednu novčanu pomoć, odnosno novčanu pomoć po Uredbi lica iz člana 2. i 3. ove Uredbe mogu ostvariti pod uslovom da:

a) Imaju prebivalište na području Kantona u trajanju od najmanje dvije godine neprekidno do dana podnošenja zahtjeva, osim povratnika u entitet Republika Srpska; b) nisu u radnom odnosu, izuzev lica koja su na čekanju posla duže od šest mjeseci u zadnjih godinu dana; c) oni i članovi njihovog porodičnog domaćinstva nisu vlasnici ili suvlasnici subjekta koji obavlja privrednu ili drugu djelatnost; d) sredstva za naznačene potrebe nisu ostvarili po nekom drugom pravnom osnovu; e) da ukupna oporeziva primanja porodičnog domaćinstva ne prelaze iznos od 50% prosječne neto plaće isplaćene u FBiH u prethodnoj kalendarskoj godini prema podacima Zavoda za statistiku Federacije Bosne i Hercegovine, tj sa prosječnom neto plaćom u FBiH za 2024 godinu u iznosu od 1.373,00 KM to čini iznos od 686,50KM.

Napominjemo, da prema Uredbi vanredna novčana pomoć može biti odobrena samo jednom u toku kalendarske godine.

Svaki podnosilac zahtjeva uz zahtjev za dodjelu novčanih sredstava prilaže potrebnu dokumentaciju original ili ovjerene kopije, a ista je decidno navedena u članu 7. Uredbe, kao i na propisanim obrazcima za podnošenje zahtjeva na kojima je i rubrika za objašnjenje vanrednih okolnosti sa obrazloženjem potrebe i namjene sredstava pomoći.

U postupku podnesene zahtjeve razmatra Komisija, koju formira gradska/općinska služba nadležna za pitanja branilačko-invalidske zaštite čiji zadatak da: a) utvrdi kompletnost podnesene dokumentacije i zahtjeva otklanjanje uočenih nedostataka i eventualnu dopunu dokumentacije; b) u slučaju potrebe izvrši neposredan uviđaj u stvarima iz zahtjeva; c) predloži odbacivanje, odbijanje ili odobravanje novčane pomoći sa izvještajem o socijalno-ekonomskoj situaciji podnosioca zahtjeva i njegove porodice;

Na osnovu prijedloga Komisije gradska/općinska služba donosi rješenje o priznavanju prava na novčanu naknadu u iznosu do 400,00 KM, a na obrazložen prijedlog sa kompletnom dokumentacijom podnosioca zahtjeva i prijedlogom o visini novčane pomoći u iznosu iznad 400,00KM dostavlja Ministarstvu-član 9) Uredbe.

Članom 10. Uredbe definisan je rad Komisije Ministarstva, odnosno dostavljene prijedloge za odobravanje, odbijanje i odbacivanje pomoći razmatra tročlana komisija, koju posebnim rješenjem imenuje ministar Ministarstva. Zadatak Komisije Ministarstva je da razmotri dostavljene prijedloge gradskih/općinskih službi, izvrši uvid u priloženu dokumentaciju, konstatuje ispravnost postupka, te dostavi ministru Ministarstva obrazložen stav o odbacivanju, odbijanju ili opravdanosti zahtjeva sa prijedlogom o dodjeli novčane pomoći.

U svom radu po podnesenim zahtjevima, Komisija Ministarstva ima pravo vršiti provjeru podnesene dokumentacije, tražiti dopunu iste, te u posebnim slučajevima izvršiti i neposredan uviđaj u stvarima iz zahtjeva.

U daljoj proceduri propisan je postupak izdavanja rješenja i plaćanje, te dostava i pravdanje sredstava-član 13. i 15. Uredbe. Naime na osnovu dostavljene obavijesti Ministarstva, gradska/općinska služba donosi rješenje o odobravanju pomoći, odbacivanju ili odbijanju zahtjeva, a na osnovu dostavljenih pravosnažnih rješenja Ministarstvo donosi odluku o plaćanju odobrenih sredstava. O doznačenim sredstvima za isplatu novčane pomoći gradska/općinska služba obavještava korisnika i istim vrši isplatu putem tekućeg računa. Pravdanje utroška sredstava gradska/općinska služba nadležna za pitanja branilačko-invalidske zaštite dužna je dostaviti Ministarstvu u roku od 15 dana po izvršenoj isplati.

Članom 18. Uredbe utvrđena je mogućnost propisanog nadzora od strane Ministarstva.

U završnim odredbama-član 16. Uredbe-definisano je da se sredstva za ostvarivanje prava osiguravaju u Budžetu Zeničko-dobojskog kantona, a u skladu sa prilikom sredstava.

U nastavku iznosimo tabelarne preglede utroška sredstava sa razdjelu 24, budžetska organizacija 01, potrošačka jedinica 0001, ekonomski kod 614200--„Tekući transferi pojedincima“ organizacijama“ subanalitika OAD 213 „Vanredna novčana pomoć,, sa razdjela Ministarstva za boračka pitanja i to:

Tabela br. 1.-Pregled podnesenih zahtjeva i odobrenih pomoći po općinama/gradovima

R.br.	Općina/ grad	Ukupno zahtjeva	Odobreno	Odbijeno	Iznos sredstava
1	Breza	28	25	3	11.500,00
2	Doboj-jug	2	2	0	2.000,00
3	Kakanj	51	46	5	22.700,00
4	Maglaj	439	353	86	122.050,00
5	Olovo	727	652	75	194.200,00
6	Tešanj	12	11	1	5.700,00
7	Usora	3	3	0	900,00
8	Vareš	27	25	2	20.300,00
9	Visoko	48	44	4	42.900,00
10	Zavidovići	31	29	2	18.600,00
11	Zenica	38	27	11	23.000,00
12	Žepče	76	68	8	36.150,00
Ukupno:		1482	1285	197	500.000,00

Shodno navedenom izvršenje je u procentu od **100 %** u odnosu na planirana sredstva u Budžetu Zeničko-dobojskog kantona za 2025.godinu sa razdjela Ministarstva za navedenu namjenu.

Tabela br. 2.-Pregled odobrenih pomoći po općinama/gradovima i kategorijama

R.br.	Općina/grad	Odobreno po kategorijama			Ukupno
		RVI/PURVI	PPB/PŠ	DB/PUDB	
1	Breza	3	0	22	11.500,00
2	Doboj-jug	0	0	2	2.000,00
3	Kakanj	4	1	41	22.700,00
4	Maglaj	8	10	335	122.050,00
5	Olovo	6	24	622	194.200,00
6	Tešanj	2	0	9	5.700,00
7	Usora	1	0	2	900,00
8	Vareš	1	1	23	20.300,00
9	Visoko	5	2	37	42.900,00
10	Zavidovići	3	0	26	18.600,00
11	Zenica	7	1	19	23.000,00
12	Žepče	8	1	59	36.150,00
Ukupno:		48	40	1197	500.000,00
%		17,47%	2,91%	79,62%	100%

Zaključna razmatranja

Obaveza kantonalnih organa je da svojim propisima osiguraju realizaciju dopunskih prava za branioce i članove njihovih porodica na području Zeničko-dobojskog kantona, vodeći pri tome računa prioritarno o pravu po osnovu statusa branioca i člana njegove porodice, pri tome imajući u vidu i specifičnosti uslova življenja koji dovode do stanja socijalne potrebe i uzrokuju tešku ekonomsku situaciju i potrebu osiguranja neophodnih sredstava.

U tom smislu, a kako je i regulisano važećim propisima iz oblasti branilačko-invalidske zaštite, ovo Ministarstvo će i u narednom periodu voditi posebnu brigu o realizaciji ovog prava, kao prava na novčanu pomoć za osnovne, egzistencijalne potrebe branilaca i članova njihovih porodica.

Osnovni cilj je, uz prisutan segment u vidu socijalne zaštite ove kategorije (za zadovoljavanje osnovnih životnih potreba) i pomoć u slučajevima vanrednih okolnosti, koje pojedinac ne bi mogao, ili bi teško prevazišao bez pomoći društvene zajednice, kao i pomoć pojedincu/braniocu i članovima porodica da na drugi način i vlastitim radom obezbijedi bolje i kvalitetnije uslove življenja.

Obzirom na protok vremena od završetka rata i agresije na našu zemlju, može se konstatovati da je u strukturi branilačke populacije sve manje radno-sposobnog stanovništva, sve više su to lica i porodice u stanju socijalne potrebe, obzirom i na narušeno zdravstveno stanje uzročno-posljedično vezano za učešće u ratu, te je ovaj vid pomoći, evidentno nužda, a i potreba ove kategorije.

Imajući u vidu navedeno, stav Ministarstva da je izdvajanje sredstava za navedenu namjenu u Budžetu Kantona opravdalo svoju svrhu, te bi se trebalo voditi računa da se poveća iznos raspoloživih sredstava na transferu za navedenu namjenu.

Uz propisanu obavezu i nadležnost ovog Ministarstva, briga za pripadnike branilačke populacije obaveza je i dug cjelokupne društvene zajednice, sve sa ciljem poboljšanja socio-ekonomskog položaja.

Broj: 13/03-2-2-04-3-11107/26

Zenica, 25.06. 2026. godine

MINISTAR
Adnan Sirovica

